



CONVOCATORIA DE AXUDAS PARA ESTUDANTES INTERNACIONAIS DA INTERNATIONAL SUMMER SCHOOL DA UNIVERSIDADE DA CORUÑA

A Universidade da Coruña organiza cada ano a *International Summer School* (ISS) coa finalidade de mellorar sensiblemente o nivel de internacionalización da institución, así como a súa proxección e prestixio no estranxeiro. Este ano, a ISS terá lugar entre o 30 de xullo e o 17 de agosto. Esta convocatoria ten o obxectivo de promover a consecución de ambos os fins mediante a concesión de axudas destinadas a eventuais estudantes internacionais da ISS. En concreto, trátase de favorecer a máxima multiculturalidade dentro da ISS mediante a concesión de bolsas de matrícula, aloxamento e manutención para estudantes procedentes de países cun índice de desenvolvemento humano medio e baixo.

1. AXUDAS QUE SE CONVOCAN E PARTIDA ORZAMENTARIA

A través desta convocatoria convócanse vinte (20) bolsas para estudantes internacionais da ISS que procedan de países cunha renda nacional bruta (RNB) baixa, media-baixa ou media. As axudas eximen do pagamento das taxas de matrícula (600,00 €) para o curso da escola de verán que solicite o/a estudante.

Así mesmo, a Universidade da Coruña asumirá con fondos propios o custo do aloxamento e da manutención dos estudantes con bolsa nunha residencia universitaria durante o período de duración da ISS. Os estudantes beneficiarios das axudas renuncian a percibir o importe económico das ditas axudas, para que este se destine a cubrir o custo económico da residencia universitaria, que asume a UDC no nome das persoas beneficiarias. O financiamento destes custos realizarase con cargo á aplicación orzamentaria 0800081306 4220 48000 por un importe máximo total de 10 939,60 €.

2. REQUISITOS PARA SOLICITAR AS AXUDAS

Estas axudas poderán ser solicitadas exclusivamente por estudantes procedentes de estados cualificados como de renda baixa, media-baixa ou media (*low-income, lower-middle income or upper-middle income countries*), segundo a división conforme á RNB (renda nacional bruta) *per cápita*, calculada usando o método do Atlas do Banco Mundial (www.data.worldbank.org).

3. ASIGNACIÓN DAS AXUDAS

A asignación das bolsas da ISS para estudantes internacionais corresponderá a unha comisión composta polas seguintes persoas:

- Pilar García de la Torre, vicerreitora de Internacionalización e Cooperación
- Margarita Amor López, vicerreitora de Estudantes, Participación e Extensión Universitaria
- Begoña Crespo García, directora da Oficina de Relacións Internacionais

A asignación farase considerando os seguintes criterios:

- Tratarase de acadar a maior multiculturalidade posible e de evitar concentrar as axudas en zonas xeográficas ou países determinados.
- Tratarase de asegurar a asistencia do máximo número e variedade de



nacionalidades a cada curso da ISS e de evitar na medida do posible que haxa cursos en que todo ou case todo os estudiantado teña a mesma procedencia.

- Valorarase do 1 ao 10 un vídeo de presentación, gravado en inglés, en que o/a estudante explique a motivación e as razóns polas que desexa participar na ISS da Universidade da Coruña e por medio do cal se poida valorar a súa competencia lingüística.

4. PROCEDEMENTO DE PRESENTACIÓN DAS SOLICITUDES E PRAZO

O estudiantado interesado en obter algunha das bolsas que se regulan na presente convocatoria deberá matricularse na ISS mediante a solicitude en liña dispoñible e cubrir o cadro correspondente á solicitude de bolsas:

http://www.udc.gal/iss/courses/Registration_fees/index.html

O prazo de presentación de solicitudes remata o 30 de abril de 2018.

5. RESOLUCIÓN

A Comisión publicará o 15/05/2018 a resolución de adxudicación provisional de estudantes admitidos. Todas as listaxes serán publicadas na páxina web da International Summer School. As persoas interesadas poderán presentar unha reclamación á devandita relación provisional no prazo de 5 días hábiles, que comezará a contar desde o seguinte á súa publicación, ante a Comisión de Selección.

Unha vez resoltas as reclamacións, publicarase a resolución definitiva e establecerase un prazo para aceptar a bolsa.

Os estudantes seleccionados recibirán a notificación de concesión da axuda no correo electrónico indicado na solicitude en liña. Á vista das renuncias presentadas polas persoas adxudicatarios, procederase a unha reasignación das prazas vacantes.

6. PROTECCIÓN DE DATOS

De acordo co previsto na Lei orgánica 15/1999, do 13 de decembro, de protección de datos de carácter persoal, infórmase de que os datos solicitados neste impreso son necesarios para tramitar a solicitude e poderán ser obxecto de tratamento automatizado. A responsabilidade do ficheiro automatizado correspóndelle á Universidade da Coruña, ante ela poderanse exercer os dereitos de información, acceso, rectificación e cancelación a que se refire a citada lei.

A Coruña, 16 de febreiro de 2018

A vicerreitora de Internacionalización e Cooperación

Pilar García de la Torre